

**AUTORITETI KOMBËTAR PËR  
CERTIFIKIMIN ELEKTRONIK DHE  
SIGURINË KOMPJUTERIKE  
AKCESK**

Nr. 54 Prot. Tiranë, më 12.2 2019

**AUTORITETI I KOMUNIKIMEVE  
ELEKTRONIKE DHE POSTARE**

**AKEP**

Nr. 2491/2 Prot. Tiranë, më 14.2 2019

**MEMORANDUM BASHKËPUNIMI**

Sot, me datë \_\_\_/\_\_\_/2019, lidhet ky Memorandum Bashkëpunimi ndërmjet Palëve:

**Autoriteti Kombëtar për Certifikimin Elektronik dhe Sigurinë Kibernetike (AKCESK)**, me adresë Rruga "Papa Gjon Pali II", Tiranë, përfaqësuar nga drejtori i përgjithshëm Znj. **Vilma Tomço**,

dhe

**Autoriteti i Komunikimeve Elektronike dhe Postare (AKEP)**, me adresë Rruga "Reshit Çollaku", Tiranë, përfaqësuar nga Kryetari i Këshillit Drejtues z. **Ilir Zela**.

Palët e këtij Memorandumi Bashkëpunimi në frymën e ndërveprimit institucional, bien dakord se, bashkëpunimi ndërmjet dy institucioneve do të kontribuojë në zhvillimin e mëtejshëm të ofrimit të ekspertizës, mbështetjes operacionale dhe teknike në fushën e sigurisë kibernetike, ndaj palët kanë vendosur të konkludojnë këtë Memorandum Bashkëpunimi.

**Neni 1  
Qëllimi**

Qëllimi i këtij Memorandumi Bashkëpunimi është krijimi i kushteve të mjaftueshme të aksesit institucional si dhe detajimi i veprimeve procedurale që duhet të kryhen në kohë nga ana e AKEP dhe AKCESK.

**Neni 2  
Baza ligjore**

Palët do të bashkëpunojnë dhe koordinojnë veprimet që do të ndërmarrin, me qëllim zbatimin e detyrimeve që burojnë nga:

- Ligji nr. 2/2017, "Për sigurinë kibernetike" (**ligj nr. 2/2017**),
- Ligji nr.9918, datë 19.05.2008 "Për komunikimet elektronike në Republikën e Shqipërisë", i ndryshuar (**ligj nr. 9918/2008**),

- Ligji nr.107/201, “Për Identifikimin Elektronik dhe Shërbimet e Besuara”, i ndryshuar, (ligj nr. 107/2015,
- Ligji nr .9880, datë 25.02.2008, “Për Nënshkrimin Elektronik”, i ndryshuar (ligj nr. 9880/2008).

### **Neni 3** **Fushat e bashkëpunimit**

Palët bashkëpunojnë duke shkëmbyer ekspertizë dhe praktikat më të mira në fushën e sigurisë kibernetike, në veçanti në fushat e mëposhtme:

- a. Shkëmbim informacioni
- b. Bashkëpunim teknik
- c. Çështje strategjike dhe administrative
- d. Fusha të tjera të identifikuar si të rëndësishme reciprokisht

### **Neni 4** **Mundësitë e bashkëpunimit dhe shkëmbimi i informacionit**

1. Palët bien dakord, të shkëmbejnë informacionet e mbledhura dhe të përpunuara, statistikat, analiza dhe raporte, në përputhje me aktet e tyre ligjore e nënligjore. Shkëmbimi i informacionit të klasifikuar “sekret shtetëror” nuk është objekt dhe është jashtë fushëveprimit të këtij Memorandumi Bashkëpunimi.
2. Secila palë brenda një afati 10 ditor do të vendosë në dispozicion, palës tjetër informacionin e kërkuar, apo informacionin mbi gjetjet e kryera, bazuar në përcaktimet e këtij Memorandumi.
3. Palët marrin përsipër të respektojnë parimin e ligjshmërisë, proporcionalitetit, mbrojtjes së interesit publik dhe mbrojtjes së të dhënave personale.
4. Palët bien dakord, të bashkëpunojnë për shkëmbimin e informacionit mbi gjetjet apo raportimet që rezultojnë nga monitorimi i ngjarjeve kibernetike, me qëllim rritjen e nivelit të sigurisë në nivel Kombëtar.
5. Shkëmbimi i informacionit mund të përfshijë, por nuk kufizohet vetëm në:
  - a. Vëzhgimet dhe gjetjet e përgjithshme që rezultojnë nga aktiviteti i njërës Palë, që mund t’i shërbejnë punës së Palës tjetër;
  - b. Shkëmbimi i praktikave, mjeteve dhe rekomandimeve më të mira që mund t’u ndihmojnë palëve për të forcuar bashkëpunimin e tyre në fushat që mbulohe nga Memorandumi i Bashkëpunimit.




**Neni 5**  
**Roli dhe përgjegjësitë e palëve**

AKEP dhe AKCESK marrin përsipër të ofrojnë:


- a. Bashkëpunim në kontekstin e reagimit ndaj incidenteve të sigurisë kibernetike duke zbatuar dispozitat ligjore me qëllim rritjen e sigurisë kombëtare.
- b. Bashkëpunim duke identifikuar dhe vepruar në fushat me interes të përbashkët dhe kërkime të përbashkëta.
- c. Bashkëpunim, gjatë përgatitjes së dokumenteve strategjike, të tilla si strategjitë dhe planet e veprimit në fushat e bashkëpunimit të identifikuara në këtë Memorandum.
- d. Bashkëpunim në çështjet administrative duke ndarë përvojën, ekspertizën dhe praktikat më të mira, duke përfshirë fushën e menaxhimit të cilësisë dhe riskut të sigurisë kibernetike.
- e. Pjesëmarrje ne aktivitete dhe veprimtari të organizuara nga secila palë dhe që përfshihen në fushat e bashkëpunimit

**Neni 6**  
**Konfidencialiteti dhe siguria**

1. Secila Palë merr përsipër të ruajë konfidencialitetin e çdo informacioni, dokumenti ose materiali tjetër të ofruar nga Pala tjetër, të mos e ndajë atë me palë të treta pa pëlqimin paraprak me shkrim të asaj Pale dhe të mos përdorë informacionet për qëllime të tjera jashtë zbatimit të këtij Memorandum Bashkëpunimi.
2. Secila Palë do të sigurojë që informacioni i ofruar ose shkëmbyer sipas këtij Memorandumi Bashkëpunimi të jetë i mbrojtur sipas rregullave të tyre përkatëse të sigurisë dhe parimeve përkatëse.
3. Pala që përgjegjëse për dhënien e informacionit mund të tregojë, në momentin e sigurimit të informacionit, çdo kufizim në aksesin ose përdorimin e tij, në kushte të përgjithshme ose specifike, duke përfshirë transferimin ose fshirjen e tij.
4. Palët bien dakord të bashkëpunojnë, sipas rastit, në fushën e sigurisë, veçanërisht në lidhje me masat e nevojshme për mbrojtjen e informacionit sensitiv, nëpërmjet konsultimit, mbështetjes së ndërsjellë ose shkëmbimit të praktikave më të mira.

**Neni 7**  
**Komunikimi i palëve**

1. Palët angazhohen të mbajnë komunikim të vazhdueshëm ndërmjet tyre në formë shkresore dhe/ose me e-mail zyrtar.



2. Palët do të caktojnë, në përputhje me rregullat dhe procedurat e tyre të brendshme, personat e kontaktit të cilët do të jenë përgjegjës përcjelljen e informacionit dhe për zbatimin e këtij Memorandumi Bashkëpunimi.

#### Neni 8

#### Ndryshimet, shtesat, modifikimet e Memorandumit të Bashkëpunimit

1. Ky Memorandum Bashkëpunimi mund të ndryshohet ose plotësohet në çdo kohë me pëlqim të ndërsjellë me shkrim të Palëve.
2. Ato do të hyjnë në fuqi me nënshkrimin e palëve pjesëmarrëse në këtë Memorandum.

#### Neni 9

#### Dispozita të fundit

1. Secila nga Palët mund të ndërpresë angazhimin e saj, sipas këtij Memorandumi të Bashkëpunimit, duke i dhënë njoftim me shkrim tre muaj para Palës tjetër.
2. Ky Memorandum Bashkëpunimi do të mbetet në fuqi ndërmjet Palëve deri në momentin e njoftimit me shkrim për përfundimin e Memorandumit në përputhje me pikën 1 të këtij neni.

#### Neni 10

#### Hyrja në fuqi


Kjo Marrëveshje hyn në fuqi në datën e nënshkrimit nga Palët dhe do të jetë e vlefshme për një afat të pacakuar.

Nënshkruar në Tiranë, më 6 / 2 /2019, në dy kopje origjinale, në gjuhën shqipe.

**AUTORITETI KOMBËTAR PËR  
CERTIFIKIMIN ELEKTRONIK DHE  
SIGURINË KOMPJUTERIKE  
(AKCESK)**

DREJTOR I PËRGJITHSHËM

Dr. VILMA TOMÇO



**AUTORITETI I KOMUNIKIMEVE  
ELEKTRONIKE DHE POSTARE  
(AKEP)**

KRYETAR

Z. ILIR ZELA

